



## **F E G L D' I N F U R M A Z I U N**

Instituziuns da la scolaziun speziala

### **Instrucziun a distanza per scholaras e scholars da la scolaziun speziala integrativa**

La situaziun actuala pertutgant la serrada da las scolas pervia dal coronavirus è ina gronda sfida per tuts participads da la scola populara dal Grischun. Nus vulain anc ina giada engraziar a Vus cordialmain per Voss grond engaschament.

L'emna passada ha il Departament d'educaziun, cultura e protecziun da l'ambient infurmà che tut las scolas popularas dal Grischun realiseschan l'instrucziun a distanza a partir dals 30 da mars 2020. Quella duai esser adattada al stgalim ed a la situaziun da la scola, e star a disposiziun a tuttas scholaras ed a tuts scholars, er a quellas ed a quels da la scolaziun speziala integrativa.

La planisaziun, realisaziun ed organisaziun da l'instrucziun a distanza per scholaras e scholars da la scolaziun speziala integrativa èn l'incumbensa da pedagogas curativas e pedagogs curativs da scola en collavuraziun cun las personas d'instrucziun da classa.

A basa da las materialias che la persuna d'instrucziun da classa metta ensemen per la classa ed a basa da la planisaziun da promoziun individuala adatteschan las pedagogas curativas ed ils pedagogs curativs da scola l'instrucziun a distanza a lur scholaras e scholars. La transmissiun dal material d'instrucziun, l'accumpagnament da las scholaras e dals scholars sco er il contact cun ils geniturs fan las pedagogas curativas ed ils pedagogs curativs da scola en il rom da lur pensum lubì e da lur incumbensa professiunala. Questa repartiziun da rollas durant il temp da l'instrucziun a distanza resguarda la situaziun speziala. La realisaziun da l'instrucziun a distanza è d'organisar uschia ch'ella na chaschuna nagins custs supplementars.

Nus As supplitgain da distribuir questas infurmaziuns a las direcziuns da scola sco er a las pedagogas curativas ed als pedagogs curativs da scola da la scolaziun speziala integrativa.

Ulteriuras infurmaziuns pertutgant la realisaziun da l'instrucziun a distanza chattais Vus en il scriver da l'inspecturat "Infurmaziuns fundamentalas e praticas per l'instrucziun a distanza analoga e digitala " dals 19 da mars 2020.

Quest fegl d'infurmaziun vegn tramess a las autoritads da scola sco er a las direcziuns da scola per distribuir a tuttas personas d'instrucziun da classa da la scola regulara.